

## Հ Ա Շ Վ Ե Տ Վ ՈՒ Թ Յ ՈՒ Ն

### ԱՎԱՏՐԻԱՅԻ ՀԱՆՐԱՊԵՏՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը. Արմեն Ղազարյան
2. Զբաղեցրած պաշտոնը. ՀՀ ՏԿԶՆ միգրացիոն ծառայության պետ  
Գործուղման վայրը և ժամկետները. Վիեննա, Ավստրիայի Հանրապետություն, 2018
3. Թվականի հոկտեմբերի 16-19-ը  
Հրավիրող կողմը. Միգրացիոն քաղաքականության մշակման միջազգային կենտրոն
4. (ICMPD)
- Գործուղման նպատակը (աշխատանքային ո՞ր խնդրի լուծման համար էր նախատեսված
5. գործուղումը). Մասնակցել.
  1. Անդրսահմանային կազմակերպված հանցավորության դեմ պայքարի կոնվենցիայի կողմերի կոնֆերանսի 9-րդ նստաշրջանին (օրակարգը կցվում է),
  2. “Միջերկրական քաղաքից-քաղաք միգրացիա” ծրագրի 2-րդ փուլի մեկնարկի հանդիպմանը (օրակարգը կցվում է),
  3. Վիեննայի միգրացիոն ամենամյա համաժողովին(օրակարգը կցվում է):Գործուղմանը մասնակցում էր նաև ՀՀ ՏԿԶՆ միգրացիոն ծառայության արտաքին կապերի բաժնի պետ Հայկանուշ Զոբանյանը:

Քննարկված թեմաները.

1. Միջազգային համագործակցության աշխատանքային խմբի 10-րդ նստաշրջանի ընթացքում քննարկվեց “Մարդկանց թրաֆիկինգի արձանագրությունը”: Նստաշրջանի ընթացքում երկրների պատվիրակները ներկայացրեցին թրաֆիկինգի դեմ պայքարում իրենց կողմից իրականացված աշխատանքները: Քննարկումները հնարավորություն ընձեռնեցին քաղաքականություն մշակողներին և ոլորտի մասնագետներին իրենց տեսակետները փոխանակել գործնական հարցերի շուրջ:
2. “Միջերկրական քաղաքից-քաղաք միգրացիա” ծրագիրը իրականացվում է Միգրացիոն քաղաքականության մշակման միջազգային կենտրոնի կողմից և ներկայումս ուսումնասիրվում են նմանատիպ ծրագրի իրագործման ընդլայնման հնարավորությունները Արևելյան Եվրոպայում և Կենտրոնական Ասիայում: Ներկայումս այն իրականացվում է Միջերկրական տարանցիկ միգրացիոն երկխոսության շրջանակներում, որն իրենից ներկայացնում է ծագման, տարանցման և ընդունող երկրների ոչ-ֆորմալ խորհրդատվական հարթակ՝ Աֆրիկայի, Եվրոպայի և Մերձավոր Արևելքի միգրացիոն հարցերով զբաղվող պաշտոնյաների միջև: “Միջերկրական քաղաքից-քաղաք միգրացիա” ծրագրում ներգրավված են փորձագետներ՝ կատարելագործելու միգրացիայի կառավարումը քաղաքային մակարդակում, ներառելով միգրանտների հասանելիությունը բազային ծառայություններին և մարդու իրավունքներին: Նախնական համաձայնություն ձեռք բերվեց Հայաստանի՝ ծրագրում ընդգրկվելու նպատակով:

3. Վիեննայի միգրացիոն բարձրաստիճան համաժողովը Միգրացիոն քաղաքականության մշակման միջազգային կենտրոնի (ՄՔՄՄԿ) կողմից կազմակերպվող ամենամյա նշանակալի իրադարձություն է, որն համախմբում է քաղաքական գործիչներին, բարձրաստիճան պաշտոնյաներին, կառավարության փորձագետներին, ոլորտի մասնագետներին, միջազգային կազմակերպությունների քաղաքացիական հասարակությանը, ակադեմիական ներկայացուցիչներին և լրատվամիջոցներին՝ միգրացիոն քաղաքականության մշակման կարևոր կողմերը քննարկելու համար: Միգրացիոն ծառայության ներկայացուցիչները առաջին անգամ էին մասնակցում Վիեննայի միգրացիոն համաժողովին, որն իր տեսակով դարձել է ամենամեծ և հեղինակավոր կոնֆերանսը Եվրոպայում: Այն կենսական դերակատարում ունի միգրացիոն քաղաքականության տարբերակների ուսումնասիրման և ապագա ռազմավարությունների մշակման գործում: 2018թ-վականի համաժողովի խորագիրն էր՝ հաղթահարելով այսօրվա ճգնաժամամը եւ աշխատելով երկարաժամկետ եւ հեռանկարային միգրացիոն քաղաքականության ուղղությամբ: 2018 թվականը վճռական տարի է միգրացիայի համար: ՄԱԿ-ի մակարդակում ամփոփվում է Միգրացիայի և փախստականների համաշխարհային համաձայնագիրը (Global Compact for Safe, Orderly and Regular Migration) և այն պատրաստ է ընդունման համար, որը նաև ներկայացվեց համաժողովի ընթացքում: Ըստ էության, առաջին անգամ համաշխարհային մակարդակում համաձայնություն կհաստատվի անվտանգ, պատշաճ և կանոնավոր միգրացիայի շուրջ: Փախստականների պաշտպանության հետ կապված քաղաքական ճգնաժամի լուծումը և հմուտ աշխատուժի միգրացիայի նկատմամբ Եվրոպայի կարիքների բավարարումը ընկած էին Վիեննայի 2018թ. միգրացիոն համաժողովի հիմքում:

Հանդիպումները, ելույթները, բարձրացված կամ քննարկված հարցերը.

Միջոցառման ընթացքում հանդիպեցի ՄՔՄՄԿ գլխավոր տնօրեն Մայքլ Սփինդլեգերի հետ, ով բարձր գնահատեց Հայաստանի հետ ունեցած արդյունավետ համագործակցությունը և նշեց, որ այն լինելու է շարունակական ու նաև տարբեր ձևաչափերով: Առանձնագրույցներ ունեցա նաև Նիդերլանդների միգրացիայի, արդարադատության և անվտանգության հարցերով նախարար՝ Մարկ Հերբերսի, ինչպես նաև Բրյուսելի ՄՔՄՄԿ գրասենյակի ղեկավար՝ Ռալֆ Գենեցկեի և ՄՔՄՄԿ փոխտնօրեն Մարտայն Փյունի հետ: Ինչպես նաև համագործակցության հարցեր քննարկվեցին ՄՔՄՄԿ բարձրաստիճան այլ ներկայացուցիչների հետ:

Հանդիպման կամ հավաքի ժամանակ ընդունված որոշումները, պայմանավորվա-

8. ծությունները, ստորագրված փաստաթղթերը. Չկան

Առաջարկությունները, դրանց ընթացք տալու վերաբերյալ առաջարկները՝ եղանակը, ձևը,

9. ժամկետները, պատասխանատուները, ակնկալվող արդյունքները.

10. Ստորագրությունը, ամսաթիվը:

 23.10.2018թ.